

Te taata 'toa, e ere te Tavana e te haava, o tei hanaaro i te hoe hohoa o tei enei *vea*, aufau mai ia e 3 farane no na avae etoru.

Faaau mai ia Tepito te nei parau i Papeete.

TE VEA NO TAHITI,

Ei haaparare raa i te parau rii api e faufaa hia'i to te mau fenua i roto i te Hau Tamaru; e neia i te mau mahana maha toa.

O te feia hoo taao, e te mau taata e haapao i te tau raa taao, e tia ia ia nenei atoa hia ta ratou mau parau faaite i roto i renei *Yea*, ia aufau mai ratou 1 farane no te reni hoe.

Faaau mai ia Tepito te nei parau.

Apoo raa i te mahana 21 no Tunuu.

Peretiteni raa no Tairapa.

Peretiteni. Ua faaue mai outou ia'u, e ui ia Tati, 'e vahi maitai ia e te fatata i to'u nei manao. Te ui nei au ia oe e Tati, ovai mau ta oe Tuahu i ite?

Tati. O te Arii mau te Tuahu, ta'u ia i ite.

Peeueue. E ere ia, teie te Tuahu mau, o vau iho.

Pohuetee. Nana iho teienei parau i rave ino, a te hoi oia e ere au i te Tuahu. eiaha oia e parau mai ia'u; ua haere hua ae oia i tau fare e ua parau ae ia'u, e haere mai i teienei parau raa Meetia. Aita hoi oia i faataa maitai mai i te parau.

Ote. O Tunui e aa i te Atua ra, o Tarahoi ia te fenua; o Vehiatua ra, o Tairapu te fenua. Ovai tei hio tia i Meetia, e ere anei o Vehiatua?

Tati. E parau mau ia, ua taea ra tena na Tairapu i teienei Tunui e aa i te Atua; te taoto raa tura i reira i te vahine, fanau maira o Vairaatoa, aita a neia i taea?

Faarahia. O Vehiatua mau te fatu no teienei fenua e o teienei ia Tuahu. Tei reira mau tana marae o Matahihae, e te rahui hoi o Poritea, te mea ia i manao hia tu ai e o Vehiatua te fatu.

Mare. Eita e riro na Vehiatua no te reira mau ioa i tae i reira, e faufaa nae toa ta matou i Tahiti nei, o te mau ioa marae e te fenua hoi na matou no raro i Raiatea ra, teie anae tei Tahiti nei te vai raa, aore matou i tii mai e rave atu i taua mau fenua ra no matou. E haere anei tatou i Matahihaeui atu ai i te parau? te manao nei au, e mea tia toa ia vaiho, ei rapae imi ai, e papa hua ratou i to ratou mau tupuna.

Maheanuu. Te faatia toa nei au i te parau a Mare, ei rapae imi ai teienei Tuahu. O vau ra, o teienei Tevivi, apaena to'u tuaro.

Haereotahi. I naha ua ahuru atura te Tuahu, riro atura ia ei parau piori e te imi ata. Aea teienei Tevivi a rave maitai ae na ia, a pae na tau tuaro.

Ote. Ua riro teienei parau no Tuahu nei, ei parau henehene, no te mea ua rau atura te Tuahu. Eiaha e ru i te faanehehe raa i teienei Tuahu ia itea tu ia tatou. E mea tia toa i tou manao ia tuu i rapae imi ai.

M. Briot. No te mea te rahi nei to outou piori i nia i teienei parau, e te taa ore o to outou na manao i nia i te Tuahu mau; te manao nei au, e riro ei mea tia, ia haapao tatou i te ravea i faaite hia mai i roto i te ture nei, e mai te ture atoa te huru, e tuu i roto i te rima o te komite hiopoa

ture nei, na ratou e imi i taua parau nei, na ratou e faaroo i te parau a taua mau Tuahu atoa ra, e te mau ite atoa hoi; e ia maramarama ratou i nia i taua parau ra, na ratou ia e tuu faahou mai na te Apoo raa e imi.

Piapa. Tera to'u manao, e tuu i te vahi atea imi ai, na tatou atoa e rave.

Hoaore. E parau tia roa teie e parau hia e te e'e o te Tavana nei, e tuu na te komite hiopoa ture e imi, a tuu faahou mai ai i te Apoo raa nei. Te manao toa nei ra vau, e riro ei meatia ia tuu na te mau tiripuna e rave, eita e taa i o nei i teienei Apoo raa.

M. Briot. Te manao nei au e te vai piori noa nei a te vetahi mau iriti ture i nia i teienei parau. Teie te parau e au ia tatou i imi, o vai te tavana mau no taua fenua ra, e ere te fatu o te fenua; e tau parau taa e roaia, te toroa tavana, a te fatu no te fenua, e au ie te fatu fenua ia tuu na te toohitu e faatea. Eita toa ra teienei parau no te toroa tavana e oli roa ia tatou, tei te hau ia te faaoti i te reira vahi. E imi ra tatou i teienei parau ei haamaramarama i te hau.

Mare. Ua itea tura te Mata, e lamapa teie, no te tutui noa hia iho nei, oi iho haere noa tatou i te piori i te taa ore o teienei parau ta tatou e imi nei, e teienei, mauruuru atura vau ia oe e te ee o te tavana, e oe i tutui i teienei lamapa. Te ite nei e homa tatou, e tia noa i te hoo taata e ia tavana i te hoe mataeinaa ore noa tu a oia to reira iho. E i teienei, e mea tia roa tura i tou nei manao, ia tuu i teienei parau na te komite hiopoa ture e imi, a tuu.

Piapa. Te ani atu nei au eiaha e tuu hia i te komite ra, e tuu ra i te haava ra.

Hoaore. Te ani nei au ia oe e te peretiteni, e tuu oe i teienei parau na roto i te ravea.

Peretiteni. Ua tuu na te ravea, i te tia raa ia tuu na te komite e imi, e te ore raa.

Tei faatia e na te komite e imi. 47

Tei patoi. 24

Ua faatia to te Apoo raa e tuu i roto i te rima o te komite, na ratou e imi.

M. Briot. Te faaite atu nei au ia outou, e aita a te mau parau ture a te hau i nebenehe, no reira i ore i afai hia mai 'ai ia outou na, mai te mea, e ture ta outou ra, a tuu mai i mua i te aro o te peretiteni uei.

Piapa. Te faaite atu nei au ia outou i te ture i tuu hia mai ia'u nei, e to'u ra mataeinaa; tera taua tura ra, e faaore i te papai raa fenua i roto i te puta hau, tera te mea i tia i te faaore, no te mea, aita roa e moni to Tahiti nei.

Tute. Te faatia nei au i te parau a Piapa, tou

toa ia hinaaro, e faaore atu i teienei ture papai raa fenua. E teie toa te hoe ture na'u, eiaha te tara vahine e faairi hia ei faahau

Ua na reira toa Tearea, Tiimaiau, Ruu e o Faarahia mai ta Piapa ra.

Arahu. E parau maamaa roa teie e Tahiti, eaha outou i faaore ai i teie ture maitai, e maitai ai ta outou mau tamarii. E ore roa tena parau e tia ia'u, eiaha e o tohe, e aita e moni, e parau haavare roa te reira; hoe a o tatou nei buru, e moni ta'u nei, e ua oti te tahi pae fenua o'u i te komite hia, eaha ta outou moni i ore ai. Eita roa tena parau e tia ia'u, e ore roa'u.

Hoaore. Te rahi nei to'u faahiahia ia outou, te rahi atoa nei hoi to'u maore i te huru o ta outou na parau. Te faaore na outou i teienei ture oti ia tatou i teienei matahiti i oti aenei, mai te na'o e, aore e hamani raa moni o Tahiti nei, eita e roaa ia outou te moni. Eiaha na e ru i te reira vahi. Te manao nei au, e fenua moni hau e roa Tahiti nei. Mai te mea, e taoa hinaaro hia e outou tei roto i te fare o tehoc papaa aera, eita roa ia outou e parau, e eita e roaa te moni, e roaa noa ia. Ua parau roa outou i te tahi mati i oti aenei, e auro teienei ture. Aore roa te tavana i haapouri, mai ia outou, ua faaite pabu mai oia ia outou, te mea i faatia hia'i teienei ture, maori ra, no te maro raa tuutuu ore o te fenua nei, e ua imi oia i te reira, ei ravea no te faaore raa tu i taua mau maro raa tuutuu ore o te fenua ra. Eiaha outou, e ru i te faaore i tena na ture. Ahiri outou i hio mai i te vahi rii i roto, e e na reira mai te imi, e mea maitai ia, i naha tena i faaore taa toa noa i te ture. E ture maitai roa teie i to'u manao, e ore e tia ia'u ia faaore, no te mea, te faaore raa i te peapea, e tupu haere i te mau mahana toa nei i rotopu ia tatou iho no te fenua. Mai te mea, e aufau raa moni to te mau matahiti atoa ra, e vahi ino ia.

Nuutere. Mai te mea te huru i tou nei faaroo raa tu i ta outou na parau, e te hoi faahou nei tatou i te piori e te etene raa. Ovai tei hinaaro faahou i te reira? Tei hinaaro ra e maamaa ia, e to outou mau ia huru i teienei. Aita hoi teienei ture i oti maitai i te haamana hia, e vahi iti nainai tei oti aenei i te papai hia, e moti i Vainiania haere roa'i e Aaaiamanu. Eaha te ino i itea tu ia outou, i teienei ture papai fenua? Eaha te maitai i tena ta outou e ani mai na. E na reira maite te hio. Eiaha e faaore ru noa, no te mea aore i au i te tahi pae. E mea maitai aenei ia faatia tatou i te hoe ture i te poipoi, e ia ahiahi, faaore atu, e na hea ia te manao o te mau taata maramarama aera ia tatou, e rirc ia ratou i te haamaamaa mai ia tatou. Te na o nei te parau a te tahi mau iriti ture, e aita e moni, e aita to Tahiti nei e nenei raa moni. E ere roa ia i te parau mau i tou nei manao; aita e fenua i faito mai ia Tahiti nei i te rahi o te moni, e hau roa to Tahiti nei. Ahio na outou i te pihaa raa

mai o ta tatou nei moni; e tatou pape rii haari, e roaa ia te moni, e fei hoi, e moa, e ia e te manaa e te taoa toa no Tahiti nei, e moni ana Ahiri hoi tatou i haapa'o maitai i te ture, e faaue a to tatou tavana, e hau roa ia ta tatou nei i faata'u, moni i terahi; ho totatou nei Eiaha e parafaa hou i tena parau na te nevaneva ia e te manaa Ahio na outou i te mau poti ia e hoe mai Moorea nei, te hanere ra te moni i te vaitahi mahana, teihea toa ia; no te faata'u a te ore o te moni; te vai noa nei te moni i raro i te reipo, e te mau vahi atoa, e te faarue noa hia nei tatou mai te ohi ore atu. Te parau nei hoi te tahi pae e moni rahi roa, e 3 toata no te fenua matamua, e 3 raera no tei muriho; e ere atoa te reira i te parautia, e mea iti roa i to'u manao, e vaiho noa tu eiaha e faahurue hia. E ture maitai roa teie, e auro mau teie ture i to'u manao, o te mea teie e ore ai te tamai pinepine ia tatou, e ore ai te mau maro raa tuutuu ore no te fenua, e ore ai hoi te feii e te tairoiro; o te mea hoi teie e maitai atoa ai ta tatou nei mau huaai. e e maramarama i ratou, e e itea'i hoi ta tatou nei mau ioa tumu e a muri noa tu. Te manao nei au, o ta tatou teie ture i hau roa i te maitai. Eiaha outou e parau faahou e e faaore. E ore roa e tia ia'u, e hoe iti ae.

Tapute. E parau maitai roa e parau hia e Nuutere nei, e te faatia toa nei au i tena parau. E moui rahi mau a ta tatou, te nounou nei ra, te vaiho nei ei hoo maapareu, te rahi ra te nounou i te pareu, te iti ra i te fenua. Ua parau atoa mai ra to'u ra mataeinaa ia'u, e faaore atu i teienei ture.

Te mau pahi i tapae mai, mai te mahana 7 mai a no Tiurai.

Tira piti no Rimatara o *Eva*, tapena Tereatva, mai Raiatea mai.

Tira piti beretane o *Baron of Bramber*, tapena Pike, mai Panipe mai.

Tira piti o te Hau *Hydrographe*, tomana Par-chappe, mai te Tuamotu mai.

Tira piti o te Hau *Moorea*, tapena Gavault, mai Tetiaroa mai.

Te mau pahi i reva.

Tira piti beretane o *Emerald*, tapena Smith, ua reva i Raiatea.

Tira piti no Rimatara o *Eiva*, ua reva i Rimatara.

Te e'e no te Tavana : BRIOT.